



Ruj. Tuan : PSB/PRG/SPRO/43.2.1/23/018

Ruj. Kami : JPWPKL.600-3/5/5 Jld.19 (44)

Tarikh : 04 April 2023

**Pengarah**

Petrosains, The Discovery Centre  
Petrosains Sdn. Bhd.  
Tingkat 4, Suria KLCC, Menara Berkembar Petronas  
50088 Kuala Lumpur

Puan,

**MAKLUM BALAS KEBENARAN PELAKSANAAN PROGRAM “PETROSAINS RBTX CHALLENGE 2023”**

Dengan hormatnya perkara di atas dirujuk dan surat puan bertarikh **16 Mac 2023** adalah berkaitan.

2. Sukacita dimaklumkan bahawa Jabatan Pendidikan Wilayah Persekutuan Kuala Lumpur (JPWPKL) telah menerima dan meneliti permohonan puan bagi penganjuran dan penglibatan guru serta murid dalam program di atas. Pihak JPWPKL sentiasa mengalu-alukan kerjasama dengan agensi kerajaan dan bukan kerajaan dalam program pembangunan kokurikulum di negara ini.

3. Pihak JPWPKL mengambil maklum permohonan puan serta **tiada halangan** bagi menganjurkan dan melibatkan guru serta murid dalam **Program “Petrosains RBTX Challenge 2023”** bermula pada **16 Mei 2023 hingga 26 Oktober 2023**. Selaras **Surat Pekeliling Ikhtisas KPM Bil. 8/1995, Bil. 7/1988, Bil. 8/2009, Bil. 5/2018** dan **Surat Siaran Pengurusan Kokurikulum Bil. 2/2010** dan berdasarkan situasi kesan penularan jangkitan *Novel Coronavirus* (COVID-19) sekarang ini, pihak puan juga diminta untuk mematuhi *Standard Operating Procedure* (SOP) Pembukaan Sektor Sukan dan Rekreasi yang dikeluarkan oleh Kementerian Belia dan Sukan (KBS), Majlis Keselamatan Negara (MKN) dan Kementerian Kesihatan Malaysia serta Garis Panduan Pelaksanaan Sukan dan Kokurikulum, Kementerian Pendidikan Malaysia (KPM).

4. Sehubungan dengan itu, pihak Jabatan Pendidikan Wilayah Persekutuan Kuala Lumpur (JPWPKL) memohon kerjasama puan untuk memastikan perkara-perkara berikut dipatuhi:

- 4.1 Mendapatkan kebenaran Pengetua/Guru Besar bagi penyertaan guru dan murid;
- 4.2 Penyertaan murid hendaklah secara sukarela dan mendapat kebenaran bertulis daripada ibu bapa/penjaga;
- 4.3 Pihak penganjur adalah bertanggungjawab untuk mendapatkan kelulusan penganjuran program daripada pihak-pihak berkaitan;
- 4.4 Surat kebenaran/kelulusan ini tidak boleh digunapakai bagi maksud untuk mendapatkan sumbangan dan tajaan daripada mana-mana pihak berkenaan;
- 4.5 Tiada unsur paksaan kepada sekolah, guru dan murid untuk menyertai aktiviti tersebut;

...2/-

- 4.6 Penyertaan murid dan guru **tidak mengganggu atau menjejaskan** waktu pengajaran dan pembelajaran (PdP);
- 4.7 Penganjur hendaklah memberikan maklumat program kepada pihak sekolah supaya boleh dimaklumkan kepada murid yang terlibat;
- 4.8 Pihak penganjur perlu memberikan laluan kepada murid dan guru yang terlibat untuk mengikuti program sekolah sekiranya aktiviti tersebut bertindih dengan aktiviti/program sekolah;
- 4.9 Pihak penganjur bertanggungjawab menguruskan insuran kemalangan yang bersesuaian dengan aktiviti yang dijalankan, menjaga kesihatan, keselamatan dan kebajikan semua murid terlibat;
- 4.10 Selaras dengan Pelaksanaan Pendidikan Sivik yang masih berkuatkuasa di semua sekolah di bawah KPM, penganjur dimohon untuk memastikan kesedaran sivik dan amalan nilai murni dapat terus dijadikan sebagai salah satu perkara wajib dilaksanakan sebelum/semasa/selepas program berlangsung seperti gotong royong membersihkan kawasan (sekiranya program dilaksanakan secara bersemuka);
- 4.11 Tiada implikasi kewangan kepada Jabatan Pendidikan Wilayah Persekutuan Kuala Lumpur dan Pejabat Pendidikan Daerah serta sekolah yang terlibat;
- 4.12 Pihak Jabatan Pendidikan Wilayah Persekutuan Kuala Lumpur (JPWPKL) berhak menarik balik surat kelulusan/kebenaran sekiranya pihak puan gagal mematuhi syarat dan peraturan yang ditetapkan atau bercanggah dengan dasar KPM yang sedang berkuatkuasa.

5. Maklum balas program ini adalah untuk program yang dinyatakan seperti di atas dan **tamat tempohnya selepas 26 Oktober 2023**. Pihak puan boleh menghubungi **Encik Mohd Aidilfitri bin Ramelan, Penolong Pengarah, Unit Pembangunan Bakat Murid, Sektor Pembangunan Murid, Jabatan Pendidikan Wilayah Persekutuan Kuala Lumpur** melalui talian **03-6204 6813** atau emel **mohd.aidilfitri@moe.gov.my** untuk sebarang pertanyaan.

Sekian, terima kasih.

**“MALAYSIA MADANI”**

**“BERKHIDMAT UNTUK NEGARA”**

Saya yang menjalankan amanah,



**(HAJAH NORHAYATI BINTI HAJI AB WAHAB)**

Pengarah Pendidikan  
Jabatan Pendidikan Wilayah Persekutuan Kuala Lumpur

MAR/STEM/Suratmenyurat